

آئینہ سرائطی

ممالك عثمانیه ده سنه لکی (۶۵)، آلی
ایلی (۴۵) غروشدر .
ممالك اجنبیه ده سنه لکی (۱۷)، آلی
ایلی (۹) فرانقدر .

اداره خانہ

باب عالی چادہ سندھ دائرۃ مخصوصہ

افطارات

آپونہ بدلی پشیندر .

مسلكه موافق آثار مع الممنونيه قبول
اولونور . درج اہلہین یازیلر اعاده
اولونماز .

دینی ، فلسفی ، علمی ، ادبی ہفتہ لک مجموعۂ اسلامیہ در ۔

صاحب و مدیر مسئول

اشرف ادیب

باش محرو

محمد ماکف

والله يهدي من يشاء الى صراط مستقيم

اتبعون اهدكم سبيل الرشاد

شیخین

دار الخلافه :

مصر ملکک شراً و جوب قتلی . — خدیو اسبق اسماعیل یاشا زاده حسین کامل حقنده کی فتوای شریفه صورتیدر :

زید مسلم خلافت اسلامیہ علیہنے حرب ایتمکده بولان انکلتزه حکومتیله برامهرک دولت عثمانیه نک اجزاء ممالککندن بولان مصر ایالتی قلمرو خلافت اسلامیہ دن اخراج و انکلتزه ممالکی عدادینه ادخاله بالتصدی حکومت مذکورہ نک حمایه سنده تسلطن ایلسه الله ذوالعظمه والجلاله و رسول کبریاه و جماعت مسلمینه خیانت شنیهده بولنش اولورمی ؟ الجواب : اولور .

بوصورتده زید باغی اوله رق ازاله سی واجب اولمغله تصدی ایستدیکی دعواندن رجوع ایتموب خلیفه مسلمینه اطاعتدن ابا ایدرسه [فقاتلوا النی الخ] نص کریمی موجبجه قتالی عامه مسلمینه واجب اولورمی ؟ الجواب : اولور .

بو صورتده زید بو حرکاب فضیحیه و افعال شنیعه و فسادیه سنک جزاسی اشد عقوبانه و حتی قتله مستحق اولورمی ؟ الجواب : اولور . کتبه الفقیر لمالی خیری بن هونی الارکوبی هنی عنما

دوات عثمانیه نک اجزاء ممالککندن بولان مصر ایالتده کی حاکمیت مقدسه خلافتیناهی بی اخلااله و ایالت مذکورہ کی انکلتزه نک تحت حاکمیتده ادخاله بادی اوله جق حرکت منفوره سندنطولانی خدیو اسبق اسماعیل یاشا زاده حسین کامل حقنده ترتب ایدن احکام شرعیہ کی محتوی اوله رق بالاستفتا صادر اولان فتوای شریفه بالایه درج اولنش و کنديسنک حائز و حامل اولدینی رتبه و نشانلرک رفع و استردادینهده دولتجه قرار ویرنش و مرقومک بولندینی مصر قطعہ سی دردنجی اردوی هایون منطقه سی داخلنده ایدوکنندن دیوان حربجه محاکمه سنک اجراسی مذکور اردو قوماندانلغنه اشعار قلمشدر . (تبلیغ رسمی)

سبیل الرشاد

انکلتزه حکومت ظالمه سنک امر و فرمانیله مصر حکمدارلغنی قبول ایدن حسین کامل و عونہ سی اسلامیت علیہنده اک جانبانه و ملعونانه بر حرکتده بولنشدر . خلافت اسلامیہ نک چاراقطار جهانده مسلمانلرک نجاتی ایچون آچدینی لوی جهاده قارشى حسین کامل ایله عونہ سی مسلمانلغک خصم جان اولان انکلتزه به التحاق ایستدیلر و خلافت علیہنده بورودیلر . بو ، نه بویوک جرأت ، بو نه ملعت ! فقط حسین کامل ایله عونہ سی و انکلتزه بوکا امین اولسونلرکه بوکون لیث و لعل پولتیقه سنی تعقیب ایدن بر باب عالی یوقدر . بوکون هر درلو فداکارلنی کوزه آلهرق سلاخیله ، مالیله ، جانبیله اسلامیتک ، مسلمانلرک خلاصی اوغرنده بوتون وارلیقیله جهاد ایده جک ، صوکنه قدر چالیشه جق بر خلافت اسلامیہ واردر . ان شاء الله بک یاقینده اوشردمه ضاله جزای

سزاسنه نائل اوله جق و مصر قطعہ اسلامیہ سی انکلتزلرک کابوس ملعتلرندن خلاص بوله جق و حظیره مقدسه اسلامه عودت ایده جکدر . وسیعلم الذین ظلموا ای منقلب ینقلبون .

تبلیغات رسمیہ

عقبه :

۱۰ کانون اول : برانکلیز قرووازوری بوکون (عقبه) کورفرینه کیرمهک تشبث ایتمشدر . بوانشاده طولایریمزک باصقین آتشنه اوغرایه رق درحال کیرر دونمکه مجبور اولمشدر . قرووازورک آتشی تمامیله تأثیرسز قالمشدر . ۱۰ کانون اول : انکلتزلر عقبه جوارنده یته براخراج حرکتده تشبث ایتمشدر . ایکی فلیقه ساحله یاقلاشمغه چالامش ایسهده ژاندارمه پوسته مزک آتشی اوزرینه درت تلف ویرمک کیری دونمشدر .

چناق قلعه :

۱۴ کانون اول : قرارگاه بالجه یاکلش شایماته برنهایت ویرمک ایچون ۲۱ تشرین اولدن بری چناق قلعه نک اصلاً بومباردمان ایدلمدیکی اعلان ایدر و بو بومباردمان حقنده اوزمان قرارگاه عمومی درحال تبلیغاتده بولنشیدی . بوکونلردهده بویله بروقمه تحدت ایتمش اولسیدی یته کمال وضوح ایله تبلیغ ایدیلردی . ۱۵ کانون اول : بوکون بفرانسز طورپیدوسی کیکلی (بوزجه آطه قارشیدی) جوارنده کی ساحل محافظلریمزه بر قاج سرمی انداخت ایتمش ایسهده هیچ بر تأثیری اولامشدر .

قره دکز :

بوکونلرده فیلوسر حمیده ایله برابر اولقی اوزره قره دکزده طولانمش و هیچ بر ضرره اوغرامه دن عودت ایتمشدر . کیلرمدن بری ماه حالک اون برنده بش زرهل ، ایکی قرووازور ، اون طورپیدو و اوچ طورپیل کیسندن مرکب بردشمن فیلوسنه تصادف ایتمشدر . یعنی ۱۷ روس حرب کیسینه قارشى بر عثمانلی کیمسی . فقط کیمیز بومتفوق دشمنه کیجه لین تعرض ایدرک راستیسلاو کیسینی کمال موفقیتله طویه طولنش ، (اولغ) ، (آتوس) نام طورپیل کیلرخی باطیرمشدر . بوانشاده ایکی ضابط ایله اوتوز نفر قورتاریله رق اسیر ایدلمشدر . هین زمانده فیلمزک دیگر بر قسمی موفقیتله باطومی بومباردمان ایتمشدر . آتک اون ایکنجی کونی صباحی ایکی کیمیز بولره نسبتله روسلرک بوقوتلی متفوق دونخاسنی تکرار محاربه به اجبار ایتمک ایستمشلر ایسهده اون پدی دشمن کیمسی سیواستوپوله قاچنی ترجیح ایتمشدر .

قفقاسیه :

۱۱ کانون اول : قفقاسیه جهه سندنه قطعاًمز « اید » و « اولی » موقملری آرمسندنه قطعی بر مظفریت قرانمشدر . محاربه الآن دوام ایتمکده . متادیا یکی موقیتلرله تنوج ایدمکده دره شمدی به قدر آلتی طوب ضبط ایتمک . ایچلرندن بری میرالای اولقی اوزره بیکن فضلہ اسیر آلدق و برچوق ججهانه و تجهیزات اغتنام ایدک . ۱۲ کانون اول : « اید » جوارنده بولونان روس قطعاتی حدود قطعاًمز طرفندن حدودک او بر طرفنه آتیلمشدر . روسلر ، اردوی اصلیمزک تعرضی قارشیسندنه « ازاب » ، « قلندر » ، « آرداش » جوارندکی موضملرندن فرار صورتنده کیری چکیلمشدر . ۱۴ کانون اول : قفقاسیهده اردوسن ایلری بوریشنه مظفرانه دوام ایدیور . ۱۵ کانون اول : قفقاس اردوسندن بوکون آلان معلوماتده ، دشمن تعقیب ایدیلرک برچوق اسیر آیلندینی و قطعاًمزک سلاح و ججهانه وسائر لوازم حربیه اغتنام ایلدیکی بیلدر بیلکدهدر .

اخطار : آجونه بدلاتنی تماماً کوندرمه به مقتدر اولمایان قارئین محترمه نک هیچ اولمازسه آیده بر مجیده کوندرمک صورتیله تأدیث دینه همت بوپورملری استرحام اولنور .